



三因  
 武  
 五  
 一六

武  
 528  
 4



中武  
528  
卷

三因極一病證方論卷之五

壞傷寒證治

三因極一病證方論卷之五

壞傷寒證治

壞傷寒者，以醫者不辨陰陽，錯謬汗下，置病不解，壞證亂經，又傷寒過經，熱留藏府，病候數變，久而不差，陰陽無復，紀律皆名壞病。

知母麻黃湯治壞傷寒，以傷寒差後經久，精神不寧，言語錯謬，或潮熱，頰赤，寒熱如瘧，昏沉不愈，皆由汗下不止，毒在心包間所致也。

知母 兩半  
麻黃 去節  
甘草 炙  
芍藥  
黃芩  
桂心 各半

森氏開萬冊府之記

三因極一病證方論卷之五

三因極一病證方論卷之五

右為劉散每服五錢水一盞半煎七分去滓温服  
凡三四服若心煩欲飲未稍稍與之

**無憂散**

治傷寒調理失序毒氣內結脅肢脹滿坐卧

不安日久不差年躁妄語大小便不通或後吐逆

臍月黃牛膽

以天南星為末入膽內縛令緊當風避日懸之俟乾取用

右為末以人參半兩煎湯七分盞調末二錢乘熱

服尋頃更以執人參湯投之或睡便溺下黃黑思

物是效

**黑奴圓**

治傷寒調理失序醫所不治及時行疫病六

七日不汗脉洪數面赤目瞪身熱煩躁在言欲走

大渴或口噤精氣已散但心下暖幹開口灌藥下  
咽即活治陽毒發斑

麻黃

去節

大黃 各散

芒消

金底煤 別研

柔塵

別研

小麥奴

竈突黑

各壹兩別研

右為末煉蜜丸彈子大新汲水研下一丸渴者與  
冷水盡飲之須臾當寒寒竟汗出便差若日移五  
尺不汗依前法服一丸差須病人大渴乃可與之  
不渴者莫服

**狐惑證治**

狐惑證者默默欲眠目不得瞑思飲食面目乍赤乍

白作黑齒無色舌上白声嘎咽乾此因大病後腸胃  
空虛三虫未食食人五藏食其喉則為感其声嘎食  
下部則為狐其咽乾當着上唇有瘡虫食其藏下唇  
有瘡虫食其肛

桃仁湯

桃仁去皮 槐子碎 艾各壹兩

右劉散每服五錢水大盞姜三片棗兩枚煎七分  
去滓食前服之

黃連犀角湯治傷寒及諸病後內有瘡出下部

黃連半兩 犀角壹兩无則以升麻代 烏梅柒箇 木香壹分

雄黃允散治下部匿瘡

雄黃研 青箱子 苦參 黃連各貳分 桃仁去皮

右為末以生艾搗汁和如棗核大綿裹內下部扁  
竹汁更加無艾只用綿裹散于內下部亦得

譫語證治

病有言語錯謬者其證有二有虛有實虛則鄭声實  
則譫語傷寒胃實及三陽合病婦人熱入血室及下  
利而譫語者皆屬實大小便利手足逆冷脉微細言

語鄭重者皆屬虛寒治之各有方虛寒當溫之如四逆湯之類胃實宜下承氣湯婦人熱入血室下小柴胡湯若謔語而反四逆脈沉細者不治

四逆湯

方見兩感門

柴胡湯

方見少陽經

大承氣湯

方見陽明經

病後虛煩證治

大病後心虛煩悶發熱與傷寒相類但不惡寒與不頭疼為異汗與人參竹葉湯嘔者橘皮湯諸病後多有此證各見本門

人參竹葉湯治汗下後表裏虛煩不可攻者

竹葉 二把

人參

甘草 炙各二兩

半夏 二兩半

石膏

麥門冬

各五兩

右為剉散每服四太錢水一盞半姜五片粳米一撮煎米熟去滓食前服

橘皮湯治動氣在下不可發汗發之反無汗心中大煩骨節疼痛目連惡寒食則反嘔穀不得入宜服此方

橘皮 壹兩半

甘草 炙半兩

人參 壹分

竹茹 半兩

右剉散每服五錢水一盞姜三片棗一箇煎至七分去滓食前服之

料簡

凡傷寒中雜病證狀非一當隨門類量酌施治可也  
如發黃則多用五疸中藥只依黃疸治之發狂已見  
陽毒門吐衄便利瘀血見失血門下痢見滯下奔豚  
見五積陰陽厥見厥論嘔噦喘咳各見本門其他更  
不繁錄

傷暑叙論

傷暑者乃夏至前後各三十日有奇少陽相火用事  
之時也炎熱大行燮石流金草萎河涸人或傷之則  
發熱自汗面垢皆寒倦怠少氣以暑消氣氣消血散  
與傷寒相類此是夏間即病非冬傷寒至夏發為熱

病也當以脈別之傷暑脈虛無力蓋因氣血消散致  
血虛弱傷寒則泣血而閉脈緊而有力大不同也要  
畧言傷寒家別有喝病蓋詮次者見其一條別在後  
故有是說輕重不同識者當自知之

傷暑證治

病者身熱惡寒頭痛狀如傷寒或往來寒熱如瘧煩  
躁渴甚眩暈嘔吐背寒面垢泄瀉昏悶不清其脈陰  
陽俱虛緩而微弱皆由傷暑之所致也

邵暑散治目暑伏熱頭目眩暈嘔吐泄利煩渴背寒  
面垢

赤茯苓 甘草生各四兩 寒食麵 生姜各壹斤切搜麩令勻  
右為末每服兩錢新汲水調下或湯點服不拘時

五苓散

治傷暑煩渴引飲無度兼治傷寒濕熱表裏未解煩渴引水水入即吐或小便不利及汗出表解煩渴不止又治霍亂吐利黃疸濕疫

澤瀉二兩

桂心壹兩

猪苓去皮

赤茯苓

白朮各壹兩半

右為末每服二錢沸湯下不以時服訖多飲熱湯汗出即愈

桂苓圓

治煩渴消痰飲寬胃膈

桂心 白朮各二兩

赤茯苓三兩

烏梅肉兩半

乾生姜壹兩

甘草炙半兩

右為末蜜丸彈子大每一丸至二丸嚼細熟水下

香薷圓

治大人小兒傷暑伏熱躁渴昏悶頭目昏眩

胃膈煩滿嘔噦惡心口苦舌乾肢躄困倦不思飲食或發霍亂吐利轉筋並宜服之

香薷去梗 紫蘇去梗 乾木瓜各壹兩 丁香

甘草炙 檀香

白茯苓去木

藿香各半兩

右為末蜜丸彈子大每一丸至二丸熟水嚼下或

右為末蜜丸彈子大每一丸至二丸熟水嚼下或

新汲水化下亦得小兒半丸

消毒圓治中暑煩渴暈眩寒熱

半夏

壹斤七次湯去滑米醋煮令透

茯苓

甘草

生各半斤

右為末蜜丸梧子大每服三十圓新汲水不以時服

傷濕叙論

經云濕為停着凡關節疼痛重痺而弱皆為濕者若氣不平亦使人半身不遂口眼喎斜涎潮昏塞此中濕之候也夫寒熱風濕皆能并合為病所謂風濕寒濕濕溫者其證各不同為治亦別不可不辨若治風

濕寒濕當發其汗但微微似汗出則風濕俱去若大汗出風去濕不去則不能愈若治單單中濕只宜利小便忌不得以火攻并轉利濕家下之額上汗出微喘小便不利者死若下利不止者亦死論曰治濕不利小便非其治也

傷濕證治

病者身重脚弱關節重疼發熱惡寒小便秘澀大便發泄自汗腰脚冷痺腿膝浮腫小便或自利不渴皆久坐卑濕或為雨露所襲或汗出衣裏受濕漸漬得之者名曰濕痺



腎著湯治身重腰疼如坐水中如木狀反不渴  
 小便自利食飲如故病屬下焦從身勞汗出衣裏  
 冷濕久而得之腰以下冷痛腰重如帶五貫錢  
 耳草灸 白木 各二兩 乾姜 炮 茯苓 各四兩  
 右為剉散每服四大錢水一盞半煎七分去滓食  
 前服

滲濕湯治坐卧濕地或為雨露所襲身重脚弱關節  
 重疼發熱惡寒或小便秘澁大便食泄或汗出衣  
 裏濕漬得之腿膝或腫小便利反不渴  
 蒼朮 浸 白木 甘草 乾姜 炮  
米泔 各二兩

茯苓 各四兩 陳皮 丁香 各半兩  
 右剉散每服四錢水盞半姜三片棗二枚煎七分  
 去滓溫服

寒濕證治

痛者身熱煩疼无汗惡寒發熱脉浮緩細皆寒濕相  
 并所致也

麻黃白木湯治寒濕身熱煩疼无汗惡寒發熱者  
 麻黃 去節湯 桂心 二兩 甘草 各壹兩 杏仁 二十粒  
三兩 四兩 去皮尖  
 右為剉散每服四錢水盞半煎七分去滓食前溫

服

風濕證治

病者身疼日晡發熱不能轉側短氣汗出惡風不欲  
去衣或身微腫脈浮弦細此風濕相搏或汗出當風  
所致也

桂枝附子湯治風濕相搏身躄煩疼掣痛不得屈伸

汗出短氣小便不利惡風不欲去衣或身微腫

桂枝去皮四兩 白朮 附子炮去皮臍 甘草炙二兩

右為剉散每服四大錢水盞半姜五片棗兩箇煎  
七分去滓空心溫服或大便秘則去桂小便不利

悸氣加茯苓三兩痺加防已四兩肢痛加芍藥四  
兩

風濕寒證治

病者汗出身重惡風喘滿腹內不和下氣上衝臍下  
連脚冷痺不能自屈伸骨節煩疼近之則痛極如摩  
節狀此由冒風濕寒三氣雜至而為病也

防已黃芪湯治傷風濕寒脈浮緊細身重汗出惡風

并治風水脈浮身重不渴

防已四兩 黃芪五兩 甘草炙二兩 白朮三兩

右為剉散每服五錢水盞半姜五片棗兩枚煎七

分去滓空服喘者加麻黃胃中不和加芍藥氣  
上衝加桂下有陳寒加細辛服藥後當如虫行皮  
中從腰以下如水後坐被上又以一被繞腰以溫  
下令微汗差

風濕溫證治

病者煩渴引飲心腹冷痛燥悶口乾面垢惡寒惡風  
飢不能食眩暈嘔噦此伏暑中風濕所致也治之各  
有方法

白朮茯苓乾姜湯治伏暑中風濕煩渴引飲心腹疼  
燥悶口乾面垢洒洒惡寒浙浙惡風微汗飢不能

食

白朮 乾姜 茯苓 細辛 桂心 乾葛

耳草 橘皮 烏梅 京豉

右等分爲細末每服二錢白湯點下

暑濕風溫證治

暑者六經氣之一能與風濕併合爲病循經流入諸  
藏但與寒不相得故有暑濕風溫之證暑濕者惡寒  
及熱自汗關節盡痛頭目昏眩手足倦怠不自勝持  
此併傷暑濕所致也風溫者頭痛身熱常汗出身重  
喘息四肢不取嘿嘿欲眠此由先傷風後傷寒所致

也治之各有方法

茯苓白木湯治胃暑毒加以着濕或汗未乾即浴皆

成暑濕

茯苓 乾姜

炮

耳草

炙

白木

桂心

各壹兩

右為剉末每服四錢水一盞煎七分去滓食前服

萎蕤湯治風溫兼療冬溫及春月中風傷寒發熱頭

眩痛咽喉乾舌強胃內疼痛痞滿腰背拘急

葛根

麻黃

去節湯焙乾枰

耳草

炙

白薇

川芎

羌活

杏仁

各半兩去皮尖

石膏

一兩碎

萎蕤

三分

青木香

壹分

右剉散每服五錢水盞半煎七分去滓食前服之  
木香冬用壹兩春用半兩

君火論

五行各一唯火有二者乃君相之不同相火則麗于  
五行人之日用者是也至於君火乃二氣之本源乃  
物之所資始人之初生必投生於父精母血之中而  
成形精屬腎腎屬水故天一而生水血屬心心屬火  
故地二而生火識為玄玄屬水故天三而生水乃太  
一含三引六之義也亦道生二一生二二生三之數  
也則知精血乃財成於識以識動則暖靜則息靜息

无象暖觸可知故命此暖識以爲君火正內典所謂  
暖識息三連持壽命者是也然則所以謂之君者以  
不行炎暑象君之德萬物資始象君之化位居少陽  
象君之政神明出入象君之令故君亦天也天亦君  
也乾以元亨利正而運行於其上君以德化政令而  
輔成於其下天道順序則生長化收藏不失其時君  
道助順故進退存亡不失其正其實皆一理也成象  
取法雖主配於心腎推而明之一點精明無物不備  
也宜君火之用上合昭昭下合冥冥與萬物俱生而  
無所間斷也醫者苟不明此皆隨於術數伎藝與夫

醫史之用易拘拘於卜筮休咎之中吾見其大蔽聖  
人之道未聞有益於天下後世也悲夫

### 五運論

夫五運六氣乃天地陰陽運行升降之常道也五運  
流行有太過不及之異六氣升降則有逆從勝復之  
差凡不合於德化政令者則爲變眚皆能病人故經  
云六經波蕩五氣傾移太過不及專勝兼并所謂治  
化人應之也或遇變眚肆與災沴因鬱發以亂其真  
常不德而致折復隨人藏氣虛實而爲病者謂之時  
氣與夫感冒中傷天行疫沴穎然不同前哲知夫天

地有餘不足違戾之氣還以天地所生德味而平治之經論昭然人鮮留意恐成湮沒故叙而紀之

五運時氣民病證治

凡遇六壬年發生之紀歲水太過風氣流行脾土受邪民病飧泄食減躄重煩冤腸鳴脇支滿甚則忽忽善怒眩冒顛疾為金所復則反脇痛而吐甚則衝陽絕者死

苓木湯治脾胃感風飧泄注下腸鳴腹滿四肢重滯

忽忽善怒眩冒顛暈或左脇偏疼

白茯苓 厚朴姜汁製炒 白朮 青皮 乾姜炮

半夏湯泡去滑

草果去皮

耳草等分

右剉散每服四錢水盞半姜三片棗兩枚煎七分去滓食前服之

凡遇六戊年赫曦之紀歲火太過炎暑流行肺金受邪民病癰少氣欬喘血溢泄瀉嗌燥耳聾中熱肩背熱甚胸中痛脇支滿背髀并兩臂痛身熱脊痛而為浸淫為水所復則反譫妄狂越欬喘息鳴血溢泄瀉不巳甚則大淵絕者死

麥門冬湯治肺經受熱上氣欬喘咯血痰壅嗌乾耳

聾泄瀉胸脇滿痛連肩背兩臂腫疼息高

麥門冬心去 香白芷 半夏湯洗去滑 竹葉 甘草炙  
 鐘乳粉 桑白皮 紫苑取茸 人參 各等分  
 右剉散每服四錢水盞半姜二片棗一枚煎七分  
 去滓食前服

凡遇六甲年堆阜之紀歲土太過兩濕流行腎水受  
 邪民病腹痛清厥意不樂躄重煩冤甚則肌肉痿足  
 痿不取行善瘦脚下痛中滿食減四肢不舉為風所  
 獲則反腹脹溇泄腸鳴甚則大谿絕者死

附子山茱萸湯治腎經受濕腹腹痛寒厥足痿不取腰  
 雖痛行步艱難甚則中滿食不下或腸鳴溇泄

附子炮去皮 山茱萸各一兩 木瓜乾 烏梅各半兩  
 半夏湯洗去滑 肉豆蔻各三分 丁香 藿香各一分  
 右剉散每服四錢水盞半姜錢七片棗一枚煎七  
 分去滓食前服

凡遇六庚年堅成之紀歲金太過燥氣流行肝木受  
 邪民病脇小腹痛目赤皆痒耳無聞躄重煩冤胸痛  
 引背脇滿引小腹甚則喘欬逆氣背脊有尻陰股膝髀  
 膈膈足痛為火所復則暴痛脹脇不可反側欬逆甚  
 而血溢太衝絕者死

牛膝木瓜湯治肝虛遇歲氣燥濕更勝脇連小腹拘

急疼痛耳聾目赤欬逆肩背連尻陰股膝髀膈膺  
皆痛迷心主之

牛膝酒浸 木瓜各一兩 芍藥 杜仲去皮姜製

枸杞子 黃松節 兔絲子酒浸 天麻各三分

耳草各一分

右剉散每服四錢水盞半姜三片棗一枚煎七分  
去滓食前服

凡遇六丙年漫衍之紀歲水太過寒氣流行邪害心  
火民病身熱煩心躁悸陰厥上下中寒譫妄心痛甚  
則肢大脛腫喘咳寢汗憎風為土所復則反腹滿腸

鳴漉泄食不化渴而妄冒甚則神門絕者死

川連茯苓湯治心虛為寒冷所中身熱心躁手足反

寒心腹腫病喘咳自汗甚則大腸便血

黃連 茯苓各一兩 麥門冬去心 車前子炒

通草 遠志去心姜汁製 半夏湯洗 黃芩

耳草各一分

右剉散每服四錢水盞半姜錢七片棗一枚煎七分  
分去滓食前服

遇六丁年委味之紀歲木不及燥乃盛行民病中清  
肢膈小腹痛腸鳴漉泄為火所復則反寒熱瘡瘍瘰



辨癰腫欬而甌

菴蓉牛膝湯治肝虛為燥熱所傷肢脇并小腹痛腸

鳴澹泄或發熱遍身瘡瘍咳嗽肢滿鼻甌

肉菴蓉 酒浸 牛膝 酒浸 木瓜乾 白芍藥

熟地黄 當歸 耳草 炙名等分

右為剉散每服四錢水盞半姜三片烏梅半箇煎七分去滓食前服筋痿脚弱鎊鹿角屑同煎

遇六癸年休明之紀歲火不及寒乃盛行民病骨痛脇支滿膺背肩胛兩臂內痛鬱冒眩暈心痛暴瘡甚則屈不能伸體驛如別為土所後則反驚澹食飲不

下寒中腸鳴泄注腹痛暴瘰痿痺足不能任身

黃芪伏神湯治心虛挾寒心脅中痛兩脇連肩背肢

滿噎塞鬱冒眩暈驛痺痛不能屈伸或下利澹

泄飲食不進腹痛手足痿痺不能任身

黃芪 伏神 遠志 去心姜汁淹炒 紫荷車 酸棗仁 炒各等分

右剉散每服四大錢水盞半姜三片棗一個煎七分去滓食前服

遇六巳年早監之紀歲土不及風氣盛行民病飧泄

霍亂躄重肢痛筋骨繇併肌肉痠善怒為金所後則反胃脇暴痛下引小腹善太息氣客於脾食少失

味

白木厚朴湯治脾虛風冷所傷心腹脹滿疼痛四肢  
筋骨重弱肌肉羸動酸蕪善怒霍亂吐瀉或胃脇  
暴痛下引小腹善太息食少失味

白木 厚朴 姜炒 半夏 湯洗 桂心 藿香

青皮 兩 乾薑 炮 甘草 炙各半兩

右剉散每服四錢水盞半姜三片棗一枚煎七分  
去滓食前服之

遇六七年從革之紀歲金不及炎火盛行民病肩背  
脊重嘔噎血便注下為水所復則反頭腦戶痛延及

顛頂發熱口瘡心痛

紫苑湯治肺虛感熱咳嗽喘滿自汗衄血肩背脊重

血便注下或腦戶連顛頂痛發熱口瘡心痛

紫苑茸 白芷 人參 苴草 炙 黃芪

地骨皮 杏仁 去皮 桑白皮 炙各等分

右剉散每服四錢水盞半棗一枚姜三片煎七分  
去滓食前服之

遇六辛年涸流之紀歲水不及濕乃盛行民病腫滿  
身重濡泄寒瘍腰膈股膝痛不使煩寃足痿清厥  
脚下痛甚則胎腫腎氣不行為木所復則反面色時

變筋骨併碎肉，癱瘓，目視眈眈，肌肉眇發，氣逆，中痛於心腹。

五味子湯：治腎虛坐臥濕地，腰膝重著，疼痛，腹脹滿。

滯泄无度，行步艱難，足痿清厥甚，則浮腫，面色不

常，或筋骨併碎，目視眈眈，膈中咽痛。

五味子 炮去 附子 皮去 巴戟 去心 鹿茸 燎去毛

山茱萸 熟地黄 杜仲 製炒各等分

右剉散，每服四錢，水盞半，姜七片，鹽少許，煎七分

去滓，食前服之。

凡六壬六戊六甲六庚六丙歲，乃木火土金水太過

五運先天六丁六癸六巳六乙六辛歲，乃木火土金水不及，為五運後天。民病所感，治之各以五味所勝調和，以平為期。

### 六氣叙論

夫陰陽升降在天，在泉，上下有位，左右有紀。地理之應，標本不同，氣應異象，逆順變生，太過不及，悉能病人。世謂之時氣者，皆天氣運動之所為也。今先次地理本氣，然後以天氣加臨，為標有勝，有復，隨氣主治，則悉見病源矣。

### 本氣論

自太寒後至春分

厥陰風木 為一主氣

春分至小滿

少陰君火 為二主氣

小滿

至大暑

少陽相火 為三主氣

大暑至秋分

太陰濕土 為四主氣

秋分

至小雪

陽明燥金 為五主氣

小雪至大寒

太陽寒水 為六主氣

凡一氣所管六十日八十七刻半為本氣後以天之六氣臨御觀其逆從以藥調和便上下合德無相奪倫此天地之紀綱變化之淵源不可不深明之

六氣時行民病證治

辰戌之歲太陽司天太陰在泉氣化運行先天之初氣乃少陽相火加臨厥陰風木民病瘧身熱頭疼嘔吐肌腠瘡瘍二之氣陽明燥金加臨少陰君火民病

氣鬱中滿三之氣太陽寒水加臨少陽相火民病寒反熱中癰疽注下心熱腎悶四之氣厥陰風木加臨太陰濕土風濕交爭民病太熱少氣肌肉疼足痿注下赤白五之氣少陰君火加臨陽明燥金民氣乃舒終之氣太陰濕土加臨太陽寒水民乃慘悽孕死治法用耳溫以平水酸苦以補火抑其運氣扶其不勝靜順湯治辰戌歲太陽司天太陰在泉病身熱頭痛嘔吐氣鬱中滿腎悶少氣足痿注下赤白肌腠瘡瘍

瘍發為癰疽

白茯苓

木瓜乾

各一兩

附子

炮去皮臍

牛膝

酒浸各三分

防風去又 訶子炮去 甘草炙 乾姜炮各半兩

右為剉散每服四大錢水盞半煎七分去滓食前服其年自大寒至春分宜去附子加枸杞半兩自春分至小滿依前入附子枸杞自小滿至大暑去附子木瓜乾姜加入參枸杞地榆香白芷生姜各二分自大暑至秋分依正方加石榴皮半兩自秋分至小雪依正方自小雪至大寒去牛膝加當歸芍藥阿膠炒各三分

卯酉之歲陽明司天少陰在泉氣化運行後天初之氣太陰濕土加厥陰木此下剉上民病中熱脹面自

浮腫善服氈衾嘔吐小使黃赤甚則淋二之氣少陽相火加少陰君火此臣居君位民病癘大至善暴死三之氣陽明燥金加少陽相火燥熱交合民病寒熱四之氣太陽寒水加太陰濕土此于土剉上水民病暴仆振慄譫妄少氣咽乾引飲心痛癰腫瘡瘍寒虛骨疼便血五之氣厥陰風木加陽明燥金民氣和終之氣少陰君火加太陽寒水此下剉上民病溫治法宜鹹寒以抑火辛甘以助金汗之清之散之安其運氣

審平湯治卯酉之歲陽明司天少陰在泉病者中熱

面浮鼻鼾小便赤黃甚則淋或癘氣行善暴仆振  
譫妄寒瘧癰腫便血

遠志去心姜製炒 紫檀香各一兩 天門冬去心

山茱萸焙 白朮 白芍藥 甘草炙 生姜各半兩

右剉散每服四錢水盪半煎七分去滓食前服自

大寒至春分加白茯苓半夏湯洗去滑 紫蘇生薑各半兩

自春分至小滿加玄參白薇各半兩 自小滿至大暑

去遠志山茱萸白朮加丹參澤瀉各半兩 自大暑至

秋分去遠志白朮加酸棗仁車前子各半兩 自秋分

直至大寒並依正方

寅申之歲少陽相火司天厥陰風木在泉氣化運行  
先天初之氣少陰君火加厥陰木民病溫氣拂於上  
血溢目赤欬逆頭痛血崩腸滿脅胷中瘡二之氣太  
陰土加少陰火民病熱欬逆嘔吐胃臆不利頭痛  
身熱昏憤膿瘡三之氣少陽相火加相火民病熱中  
聾瞶血溢膿瘡欬嘔衄血渴嚏欠喉痺目赤善暴死  
四之氣陽明金加太陰土民病滿身重五之氣太陽  
水加陽明金民避寒邪君子周密終之氣厥陰木加  
太陽水民病開閉不禁心痛陽氣不藏而欬治法宜  
鹹寒平其上辛溫治其內宣酸滲之泄之漬之發之

升明湯治寅申之歲少陽相火司天厥陰風木在泉  
病者氣鬱熱血溢目赤咳逆頭痛脇滿嘔吐胃臆  
不利聾瞶渴身重心痛陽氣不藏瘡瘍煩躁

紫檀香 車前子炒 青皮 半夏湯洗 酸棗仁

藟麻 生姜 芫草各半兩

右為剉散每服四錢水盞半煎七分去滓食前服  
自大寒至春分加白薇玄參各半兩自春分至小  
滿加丁香一錢自小滿至大暑加漏芦升麻赤芍  
藥各半兩自大暑至秋分加茯苓半兩自秋分至  
小雪依正方自小雪至大寒加五味子半兩

丑未之歲太陰濕土司天太陽寒水在泉氣化運行  
後天初之氣厥陰風木加風木民病血溢筋絡拘強  
關節不利身重筋痿二之氣大火正乃少陰君火加  
君火民病溫癘盛行遠近咸若三之氣太陰土加少  
陽火民病身重肘腫胃脹滿四之氣少陽相火加太  
陰土民病滕理熱血異溢瘡心腹脹甚則浮腫五  
之氣陽明燥金民病皮膚寒氣及熱終之氣太陽寒  
水加寒水民病關節禁固腰膝痛治法用酸以平其  
上其溫治其下以苦燥之溫之甚則發之泄之贊其  
陽火令禦其寒

化湯治丑未之歲太陰濕土司天太陽寒水在泉  
病者關節不利筋脉拘急身重痿弱或溫癘盛行  
遠近咸若或胃腹滿悶甚則浮腫寒癘血溢腰膝  
痛

木瓜乾

茯神

去木各一兩

牛膝

酒浸

附子

炮去皮臍各三分

熟地黄

覆盆子

各半兩

甘草

一分

生姜

三分

右為剉散每服四大錢水盞半煎七分去滓食前  
服自大寒至春分依正方自春分至小滿去附子  
加天麻防風各半兩自小滿至大暑加澤瀉三分  
自大暑直至大寒並依正方

子午之歲少陰君火司天陽明燥金在泉氣化運行  
先天初之氣太陽水加厥陰木民病關節禁固腰膝  
痛中外瘡瘍二之氣厥陰風木加少陰君火民病淋  
目赤氣鬱而熱三之氣少陰君火加少陽火民病熱  
厥心痛寒熱更作欬喘目赤四之氣太陰土加濕土  
民病黃痺顛衄嗝乾吐飲五之氣少陽火加陽明金  
民乃康終之氣陽明金加太陽水民病上腫欬喘甚  
則血溢下連少腹而作寒中治法宜鹹以平其上苦  
熱以治其內鹹以更之苦以發之酸以收之  
正陽湯治子午之歲少陰君火司天陽明燥金在泉



病者關節禁固腰背痛氣鬱熱小便淋目赤心痛寒熱更作咳喘或鼻鼾嗝咽吐飲發黃瘴喘甚則連小腹而作寒中悉去之

白薇 玄參 川芎 桑白皮 當歸 芍藥

旋覆花 耳草 生姜 各半兩

右為剉散每服四錢水盞半煎七分去滓食前服自太寒至春分加杏仁升麻各半兩自春分至小滿加茯苓車前子各半兩自小滿至大暑加杏仁麻仁各一分自大暑至秋分加荆芥茵陳蒿各一分自秋分至小雪依正方自小雪至大寒加紫蘇

子半兩

已亥之歲厥陰風木司天少陽相火在泉氣化運行後天初之氣陽明金加厥陰木民病寒於右脇下二之氣太陽水加少陰火民病熱中三之氣厥陰木加少陽火民病淚出耳鳴掉眩四之氣少陰火加太陰土民病黃瘡肘腫五之氣太陰土加陽明金燥濕相勝寒氣及躄終之氣少陽火加太陽水此下水剋上火民病瘟癘治法宜用辛涼平其上鹹寒調其下畏火之氣无妄犯之

敷和湯治已亥之歲厥陰風木司天少陽相火在泉

病者中熱而反右脇下寒耳鳴淚出掉眩燥濕相搏民病黃瘧浮腫時作瘟癘

半夏湯洗 棗子 五味子 枳實麩炒 茯苓

訶子炮去核 乾姜炮 橘皮 耳草炙各半兩

右為劉散每服四錢水盞半煎七分去滓食前服  
自太寒至春分加鼠粘子一分自春分至小滿加  
麥門冬去心山藥各一分自小滿至大暑加紫苑  
一分自大暑至秋分加澤瀉山梔仁各一分自秋  
分直至太寒並依正方

六氣凡例

凡六氣數起於上而終於下歲半之前自太寒後天  
氣主之歲半之後自太暑後地氣主之上下交互氣  
交主之司氣以熱用熱无犯司氣以寒用寒無犯司  
氣以涼用涼无犯司氣以溫用溫无犯司氣同其主  
亦无犯異主則少犯之是謂四畏若天氣反時可依  
時及勝其主則可犯以平為期不可過也

三因極一病證方論卷之五 終

三因極一病證方論卷之六  
叙疫論

夫疫病者四時皆有不正之氣春夏有寒清時秋冬亦有暄熱時一方之內長幼患狀率皆相類者謂之天行是也若春時應暖而清氣折之則責邪在肝病曰青筋牽夏時應暑而寒氣折之則責邪在心病曰赤脉攢秋時應涼而熱氣抑之則責邪在肺病曰白氣狸冬時應寒而暖氣抑之則責邪在腎病曰黑骨溫土無正形因火而名故附金木水火而變病曰黃肉隨其天行之病大則流毒天下次則一方一鄉或

偏著一家悉由民庶同業所召故天地靈祇假斯不正之氣而責罰且人命有遭逢時有否泰故有偏著一家者天地既有斯害氣還以天地所生之物而防備之命曰賢人知方

四季疫證治

病者發熱腰痛強急脚縮不伸脰中欲折目中生花或瀼瀼增寒復熱頸中双筋牽不得屈伸項直背強眼赤黃欲轉動合自回側病名青筋牽者由春三月其源從厥陰涉足少陽少陽之氣始發少陰之氣始衰陰陽沸鬱於腠理腑臟受厲而生若腑虛則為陰

邪所傷故發熱若臟實則為陽毒所損故增寒

治青筋寒肝腑臟温病陰陽毒膽腑虛為陰邪所傷腰脇強急脚縮不伸脰中欲折目中生花色蒼蒼者

- 柴胡 去苗 五兩 茯苓 梔子仁 半夏 湯洗 大青 各三兩
  - 桂心 竹茹 香豉 甘草 炙各一兩
- 右剉散每服五錢水二盞姜五片煎七分去滓空心温服

治青筋牽肝腑臟温病陰陽毒肝臟實為陽毒所傷瀼瀼惡寒翕翕發熱頸外双筋牽不得屈伸項直

背強眼赤黃轉動則合身回側色蒼蒼者

玄參 一兩 細辛 二兩 梔子仁 黃芩

升麻 芒消 各三兩 石膏 煨八兩

右為剉散每服五錢水二盞入車前草三葉淡竹葉七片煎七分去滓空心服

病者脉促身顫掉不能禁或內熱口乾舌破咽塞聲嘶病名赤脉攢者以夏三月其病從少陰太陽之氣相搏而停則榮衛不通皮肉痛起太陽發動少陰淫邪之氣因而作厲則臟腑隨時受夏疫病也若腑虛為陰邪所傷則寒戰若臟實為陽毒所侵則內熱

治赤脉攢心腑臟温病陰陽毒心臟實則為陽毒所

傷內熱口乾舌破咽塞聲嘶色焦赤者

天門冬 去心 麥門冬 去心 車前子 炮 梔子仁

黃芩 升麻 寒水石 煨 甘草 炙 各等分

右為剉散每服五錢水二盞煎七分去滓食前服病者頭重頸直皮肉強痺或蘊而結核起於喉頸之側布熱毒於皮膚分肉之中上散入髮際下貫顛顛隱隱而熱不相斷離病名黃肉隨以四季各十八戊巳日其病從太陰陽明相格寒温不調關節格滯若腑虛則皮肉強痺若臟實則布毒熱於皮膚

治黃肉隨脾腑臟溫病陰陽毒胃腑虛則為陰邪所

傷頭重頸直皮肉強痺膜脹色黃黑者

厚朴姜制炒 白木 陳皮各一兩 乾姜炮

紫蘇 甘草灸 半夏湯洗各

右為剉散每服五錢水二盞煎七分去滓食前服

治黃肉隨脾腑臟溫病陰陽毒臟實為陽毒所傷蘊

熱結核起於喉頸之側布毒熱於皮膚分肉之中

散入髮際下貫顛額蓄熱不散色黃者

葛根 蒼朮泔浸 升麻 白芷 桔梗

青皮各一兩 大黃半兩

右為剉散每服五錢水二盞煎七分去滓食前服

病者乍寒乍熱損肺傷氣暴嗽嘔逆或體熱發斑喘

欬引氣名白氣狸以秋三月源從陽明係手太陰受

疫淫邪之氣若腑虛為陰邪所傷則乍寒乍熱臟實

為陽毒所傷則體熱發斑

治白氣狸肺腑臟溫病陰陽毒大腸腑虛為陰邪所

傷寒熱互作上氣欬逆大腸殮泄色皓皓白者

白朮 人參各一兩 乾姜炮 麥蘖炮各 白茯苓

五味子 肉豆蔻 草菓 烏梅 甘草灸各

右為剉散每服五錢水盞半煎七分去滓食前服

治白氣狸肺腑臟温病陰陽毒臟實為陽毒所傷體熱肌膚發斑氣喘引飲色昏白者

紫苑茸 一兩 梔子仁 升麻 前胡 各三分

石膏 煨半兩 葶藶 炒一分 杏仁 去皮尖 甘草 各灸半兩

右為剉散每服五錢水二盞煎七分去滓食前服病者裏熱外寒意欲守火而反引飲腰痛欲折或胃脇切痛類如刀刺不得轉動熱彭彭服冷多則洞瀉病名黑骨温以冬三月源從足太陽少陰相搏蘊積壅塞若腑虛為陰毒所傷則裏熱外寒若臟實為陽毒所損則彭彭發熱

治黑骨温腎腑臟温病陰陽毒膀胱腑虛為陰邪所

傷裏熱外寒煩渴引飲喜火腰脇滿痛小便赤黃

面與脚俱黑

附子 炮去皮臍 茯苓 各一兩 山茱萸 細辛 各半兩

麻黃 三分 山藥 澤瀉 各半兩 杏仁 去皮尖 一分

右為剉散每服五錢水兩盞煎七分去滓食前服

治黑骨温腎腑臟温病陰陽毒腎臟實為陽毒所傷

腰脇切痛不得轉動大小便秘澀小腹脹食冷則

洞泄色薰黑

吳茱萸 黑牽牛 炒 桃仁 去皮尖 草薺

大黃

杜仲去皮剉姜汁制炒絲斷

右為剉散每服五錢水兩盞煎七分去滓食前服

料簡諸疫證治

凡春分以前秋分以後天氣合清寒忽有溫暖之氣折之則民病溫疫春分以後秋分以前天氣合溫熱忽有清寒之氣折之則民病寒疫治之各有法不可拘以日數汗下此且據方論一體而分既有寒溫二疫風溫亦宜備論如巳未年京師大疫汗之死下之死服五苓散遂愈此無它溫疫也以此為法每年遇有不正之氣即當紀而用之假如冬合寒時有溫暖

之氣則春必患溫疫春合溫而有清涼之氣則夏必患燥疫夏合熱而有寒氣折之秋必病寒疫秋合清而反滂雨冬必病溫疫此亦一途而推之更須以時斟酌不可偏執况疫之所興或溝渠不泄滴其穢惡薰蒸而成者或地多死氣鬱發而成者或官吏枉抑怨讟而成者世謂獄溫傷溫墓溫廟溫杜溫山溫海溫家溫竈溫歲溫天溫地溫等不可不究古法辟之用屠蘇酒務成子螢火圓李子建殺鬼煎老君神明散皆辟法惟劉根別傳令於州治太歲六合處穿地深三尺闊亦如之取淨沙三斛實之以醇酒三升沃其



上禱使君祀之此亦消除疫氣之良術所謂太歲六合者歲泄氣之所在故以厭禳屠蘇酒辟疫氣令人不染及辟温病傷寒

大黃 桔梗 川椒 白朮 桂心 各一兩 八分

接莢 一兩 二錢 烏頭 炮去皮 尖六錢

右為剉散縫袋盛以十二月晦日中懸沉井中令至泥正月朔日出藥置酒中煎數沸於東向戶中飲之先從少起多少自在一方有防風壹兩

太一流金散辟温氣

雄黃 兩 三 殺羊角 燒 兩 雌黃 各二 兩 礬石 枯 鬼羽箭 各兩 半

右為末以絳袋盛二兩帶心前并掛門戶上若逢大疫年以月且青布袋一力圭中庭燒之温病人亦薰之

敗毒散治傷寒温疫風濕頭痛目昏眩四肢疼痛增寒壯熱項強眼睛痛尋常風眩拘急風痰並宜服之

羌活 獨活 人參 甘草 柴胡  
前胡 茯苓 枳殼 麩炒 川芎 桔梗 各等分  
右為剉散每服四錢七水一盞姜三片薄荷五葉煎七分去滓熱服寒多則熱服熱多則温服傷濕

加白朮脚痛加天麻本方爲細末亦可點服初虞世究其方知出道藏乃叙云自非異人傑出志與神會則莫之敢爲良可歎服煙瘴之地或溫疫時行或人多風多痰多氣或處早濕脚弱此藥不可欵也世人不師故常務作新奇蔽於俗學故備論之此藥治脚氣下注焮熱赤腫加大黃碁子大煎併進兩服立效

應夢人參散治傷寒躄熱頭疼及風壅痰嗽咯血

白芷

乾葛

青皮

桔梗炒

白朮

人參各三

甘草

半

乾姜

炮一錢

三字

右爲末每服二錢水一盞姜三片棗二枚煎七分通口服如傷寒入鼓數粒同煎熱服大有效不拘時崇寧癸未米芾爲太常博士始造待漏冒寒得疾痰嗽如膠有血更醫不退一日謁太尉蔡元度取入參散一貼并棗見授繼歸有客承議郎薛道至留食藥熟進一服良久痰嗽立止而客怪曰公氣色頓快何藥也爲道其由求方蔡公又送一貼越三日病全除往見蔡公公曰此藥僧伽也元祐中泗守劉士彥病八日不汗女求僧伽甚確夜夢告曰翌日塔中取藥遂於大聖鉢中取得此藥

題印云太平州楊家人參散今太醫局中亦賣無  
甘草乾葛兼無分兩疑非真方

**喝起散**

蒼朮 泔浸 麻黃 去節 荆芥 各二兩 石膏 煨三兩 大黃 兩半  
枯樓根 乾葛 芍藥 白芷 甘草 各一分  
右為末每服二錢水盞半姜三片葱煎至七分食  
前服

入溫家令不相染著

**雄黃**

右研細水調以筆濃蘸塗鼻竅中與病人同床亦

不相染初洗面後及臨時時點之凡疫家自生惡  
氣聞之即入上元宮遂散百脉而成斯病宜即以  
紙撚探鼻嚏之為佳如以雄黃點鼻則自不聞并  
辟諸惡夢神良

**聖散子**方東坡叙云昔嘗觀千金方三建散於病無

所不治而孫思邈著論以謂此方用藥節度不近  
人情至於救急其驗特異乃知神物效靈不拘常  
制至理閑感知不能知今予所得聖散子殆此類  
也自古論病唯傷寒至為危急表裏虛實日數證  
候應汗應下之法差之毫釐輒至不救而用聖散

子者一切不問陰陽二感男女相易狀至危篤者連飲數劑則汗出氣通飲食漸進神宇完復更不用諸藥連服取差其餘輕者額微汗正爾無恙藥性小熱而陽毒發狂之類入口即覺清涼此殆不可以常理誥也時疫流行平且輒煮一金不問老少良賤各飲一大盞則時氣不入其門平居無病能空腹一服則飲食快羨百疾不生真濟世衛生之寶也其方不知所從來故巢君數世寶之以治此疾百不失一余既得之謫居黃州連歲大疫所全活者至不可數巢君所甚惜此方指江水為盟

約不傳入余切隘之乃以傳斷水龐君安常龐以醫聞於世又善著書故授之且使巢君之名與此方同不朽也用藥于后

- 草豆蔻箇 木猪苓皮去 石菖蒲 茯苓 高良姜炒
- 獨活 柴胡 吳茱萸 附子炮去皮臍 麻黃節去
- 厚朴姜汁制炒 藁本 芍藥 枳殼麸炒去穢 白朮
- 蒼朮湯洗去滑 半夏湯洗去滑 澤瀉各半兩 藿香 防風
- 細辛各半兩 甘草炙一兩

右為劉散每服五錢水盞半煎七分去滓熱服空腹此藥以治寒疫因東坡作序天下通行辛未年

永嘉瘟疫被害者不可勝數往往頃時寒疫流行其藥偶中抑未知方土有所偏宜未可考也東坡便謂與三建散同類一切不問似太不近人情夫寒疫亦能自發在蓋陰能發躁陽能發厥物極則變理之常然不可不知今錄以備療寒疫用之且審之不可不究其寒溫二疫也辛巳年余嘗作指治至癸巳復作此書見石林避暑錄亦曰宜和間此藥盛行於京師大學生信之尤篤殺人無數醫頓廢之然不妨留以備寒疫無便偏廢也

凡例

夫疫雖以三事鐘成若天行多假六淫反錯鬱折而致之者既有寒溫兩疫風溫其可不辨但證似傷溫而脈色不同與夫一方相染長幼同病即當作疫治除辟法外治溫用五苓散加灸甘草治風用桂枝湯加黃芩無不愈者其如淫邪交絡互織當以類推之

**五苓散**治傷寒溫熱病表裏未解頭痛發熱口燥咽乾煩渴引水水入即吐或小便不利及汗出表解煩渴不止者宜服之又治霍亂吐利○方見傷暑門加甘草一兩灸

**桂枝黃芩湯**治風疫脈浮數而不弱頭項疼腰脊痛

發熱惡風其證皆如太陽傷風但脉陰不弱相傳染為異耳

桂枝去皮

芍藥

黃芩

各兩半

甘草

炙一兩

石剉散每服五錢水盞半姜三片棗一枚煎至七分去滓食前服

沃雪湯治傷寒溫疫濕疫熱疫

蒼朮

乾姜炮

甘草

炙各六兩

防風

乾葛

厚朴制炒

芍藥

各四兩

右為剉散每服三錢半重水兩盞煎七分去滓服

瘧叙論

夫瘧備內外不內外三因外則感四氣內則動七情飲食飢飽房室勞逸皆能致瘧經中所謂夏傷暑秋瘧瘧者此則因時而序耳不可專隅以此論之則知溫病殄泄效嗽不可拘也夫瘧之始發先起於毫毛伸欠乃作寒慄鼓領腰脊俱痛寒去則內外皆熱頭痛而渴惟欲飲冷者以陰陽上下交爭虛實更作若陽並於陰則陰實而陽虛陽明虛則寒慄鼓領太陽虛則腰背頭頂俱痛少陽虛則身體解休心惕惕然三陽俱虛則陰氣勝骨寒而痛陰並於陽則陽實而陰虛太陽虛則不嗜食善嘔嘔已乃衰少陰虛則熱

多寒少嘔甚其病難已厥陰虛則腰腹痛小便不利如癰三陰俱虛則陽氣勝熱盛悒悒不樂陰盛則內寒陽虛則外寒寒生於內故中外皆寒陽盛則外熱陰虛則內熱熱生於外故中外皆熱此皆因外感寒暑風濕內鬱喜怒憂驚蘊積涎飲乃至飲食飢飽勞逸之所爲也病氣與衛氣并居故病作衛氣晝行陽夜行陰得陽而外出得陰而內薄所以日作其氣內薄於五藏橫連於募原其道遠其氣深其行遲不能與衛氣俱出故間日作以衛氣一日一夜大會於風府日下一節以此日作稍寔至二十五日且至骶骨二

十六日入脊內其氣上行故作日益早也瘧氣所以更盛更虛當氣之所在者在陽則熱躁在陰則寒靜極則陰陽俱衰衛氣相離則病休衛氣集則復病也於是有一日作間作早晏不同又邪氣中於頭頂者氣至頭頂則作中於背者氣至背則作中於腰脊者至腰脊即作各隨其所中而作但衛氣之所在與邪氣相合則病作也更有疫虛鬼瘴等瘧亦以邪氣中衛氣之所爲也除瘧瘧純熱溫瘧先熱牝瘧無熱外諸瘧皆先寒而後熱又經曰無刺熇熇之熱無刺渾渾之脈無刺漉漉之汗爲其病逆未可治也知此則病

方來與正作與將過皆不可治以反傷真氣不可不知所因備列于後

瘧病外所因證治

病者先寒後熱寒則湯火不能溫熱則冰水不能寒以先傷寒後傷風故先寒而後熱名曰寒瘧

病者先熱後寒躁煩自汗惡風以先傷風後傷寒風為陽寒為陰故先熱而後寒名曰溫瘧

病者但熱不寒陰氣孤絕陽氣獨發少氣煩冤手足熱而欲嘔必渴以傷於暑熱名曰瘧瘧

病者寒熱身重骨節煩疼脹滿澀澀自汗善嘔因汗

出復浴濕舍皮膚及冒雨濕名曰濕瘧

病者寒多不熱但慘戚振慄病以時作此以陽虛陰盛多感陰濕陽不能制陰名曰牝瘧

五種瘧疾以外感風寒暑濕與衛氣相并而成治之各有方法

白虎加桂湯治溫瘧先熱後寒惡風多汗

石膏四兩 知母一兩 甘草炙半兩 桂心一兩 粳米一合

右剉散每服四錢水盞半煎七分去滓未發前進三服

木附湯治冒雨濕著于肌膚與胃氣相并或滕開汗



出因浴得之

附子

炮去皮臍

白朮 各一兩

甘草 炙

茯苓 各半兩

右剉散每服四大錢水盞半姜五片棗二枚煎七分

分去滓食前服

麻黃白朮散治傷寒風暑濕不留經絡與衛氣相并

病以日作寒熱交煎

麻黃

去節湯浸

白朮

茯苓

桂心 各一兩

陳皮

青皮

桔梗

白芷

甘草

半夏麴

紫蘇

烏梅 各三兩

乾姜 半兩

右為剉散每服四錢車水兩盞姜三片棗二枚煎

七分去滓當發日空心一服臨發一服尤妙亦治時疫

太醫常山飲

治諸瘧先寒後熱或先熱後寒或寒熱

獨作或連日併發或間日一發頭疼惡心煩渴引

飲氣息喘急口苦咽乾諸藥不效

川常山

知母

甘草 炙

草果 不去皮各二兩

烏梅 一兩

良姜 一兩半

右為剉散每服四錢水盞半棗五枚同煎七分去滓溫服未發前進三服

桂薑湯治壯瘧寒多微熱或但寒不熱

柴胡 八兩 桂心 一兩 黃芩 三兩 牡礪 煨 甘草 炙

乾姜 炮各 三兩 桔樓根 四兩

右為剉散每服四錢水二盞煎七分去滓空心服日三服初服微煩汗出愈一法有半夏三兩

瘧病內所因證治

病者寒熱顏色蒼蒼然善太息如死狀以蓄怒傷肝氣鬱所致名曰肝瘧

病者心煩欲飲清水反寒多不甚熱乍來乍去以喜傷心心氣耗散所致名曰心瘧

病者寒多腹中熱痛或渴不渴不熱不泄腸鳴汗出

以思傷脾氣鬱凝結所致名曰脾瘧

病者心寒寒甚則發熱熱間善驚如有所見以憂傷肺肺氣凝痰所致名曰肺瘧

病者手足寒洒然腰脊痛發熱大便難目眴以失志傷腎

五種瘧疾以臟氣不和鬱結凝飲所致治之各有方

七棗湯治五臟氣虛陰陽相勝作為瘵瘧不問寒熱先後與夫獨作疊間自悉主之

附子 一枚炮製以鹽水浸再炮如此凡七次至第七次不浸去皮臍

右劉散水一盞姜七片棗七箇煎至八分盞當發日空心温服仍喫三五箇棗子忌如常良方用烏頭兼不用鹽水浸不時服之借燥亦不能分利陰陽去滓服

**肆獸飲**治五臟氣虛喜怒不節勞逸兼并致陰陽相勝結聚涎飲與衛氣相得發為瘡疾悉主之兼治瘡癰最效

半夏湯去滑 茯苓 人參 甘草 陳皮  
甘草 烏梅肉 白朮 生姜 棗子各等分  
右為劉散鹽少許淹食頃厚皮紙裏水淹入慢火

煨香熟焙乾每服秤半兩水二盞煎至七分去滓未發前併進二服

**交解飲**治脾胃氣弱陰陽勝復發為瘡癰

肉苳蔻半生半 草苳蔻如上 甘草半生 厚朴半生半  
麵裏煨 法 姜炙 姜製  
右等分劉散每服四錢水兩盞煎七分去滓空心服

**草菓飲**治脾寒等瘡

草菓 川芎 白芷 紫蘇葉 良姜  
甘草炙 青皮去白炒  
右為麤末每服二大錢水一盞煎七分去滓熱服

當發日連進三服

驅癩飲子

前胡

柴胡各四兩

桂心

桔梗

厚朴

姜製

半夏

湯洗去滑各三兩

黃芪

乾姜

炮甘草各二兩

右剉散每服四木錢水盞半姜三片棗兩枚煎至七分去滓溫服

癩病不内外因證治

病者發寒熱一歲之間長幼相若或染時行變成寒熱名曰疫癩以歲運推之

病者寒熱日作夢寐不祥多生恐怖名曰鬼癩宜用

禁避厭禳之法

病者乍寒乍熱乍有乍無南方多病此名曰瘴癘當隨方土所宜治之

病者寒熱善飢而不能食食已支滿腹急病痛病以日作名曰胃癩六腑無癩唯胃有者蓋飲食飢飽所傷胃氣而成世謂之食癩或因諸癩飲食不節變為此證

病者經年不差差後復發遠行冬立下至微勞力皆不在名曰勞癩亦有數年不差百藥不斷結成癥癧在腹脇名曰老癩亦曰母癩

以上諸證名狀不同各有治方宜推而用之  
麻黃白朮湯治一切疫癘○方見外所因門

紅效瘡丹治鬼瘡殊效

真阿魏 半兩 桃枝

柳枝 各長一尺七莖 雄黃 通明好者半兩別研

辰砂 一錢別研

右為末以車牛日五家粽角為丸如梧桐子大辰砂所留一半為衣遇發時用淨器水摩一圓塗鼻尖并人中未退以冷水服一丸合時須用五月五日

大正氣散治山嵐瘴氣發作寒熱遂成瘧疾

附子 炮去皮臍 厚朴 姜汁製 桂心 甘草 炙 乾姜 炮

陳皮 各一兩 茱萸 半兩

右為細末每服二大錢水盞半姜五片棗一枚同煎至七分熱服不拘時兼治霍亂吐瀉一切氣疾

清脾湯治胃瘧發作有時先覺伸欠乃作寒慄鼓振

頤頷中外皆寒腰背俱痛寒戰既已內外皆熱頭疼如破渴欲飲冷或痰聚胸中煩滿欲嘔或先熱後寒先寒後熱寒多熱少寒少熱多或寒熱相半或但熱不寒但寒不熱或隔日一發一日一發或三日五日一發者悉主之

壽康卷之六

厚朴四兩 姜製炒 烏梅打去仁 半夏湯去滑 青皮

良姜各二兩 草蓰去皮 甘草炙半兩

右為劉散每服四錢水二盞姜三片棗一枚煎七分去滓未發前併三服忌生冷油膩時菓此藥溫脾化痰治胃膈否悶心腹脹滿噫醋吞酸自可常服

常山飲治勞瘵老人老人皆可服

常山 川山甲醋炙 木通 秦艽各一兩

辰砂半字 別研 甘草炙半兩

右為劉散作一劑水三盞烏梅棗子各七枚煎半

盞再入酒一盞煎至八分去滓入辰砂溫服

老瘰飲治久瘰結成癥瘕癰在腹脇諸藥不去者

蒼朮淋浸 草蓰去皮 桔梗 青皮 陳皮

良姜各半 白芷 茯苓 半夏湯洗 桂心

枳殼麸炒 甘草炙 乾姜炮各三錢 紫蘇葉 川芎各二錢

右為劉散每服四大錢水三盞塩少許煎七分去滓空心服日三夜一仍吞下後紅圓子

紅圓子治食瘰尤妙

蓬莪木 京三稜各二兩 醋煮一伏時 胡椒一兩 青皮三兩 炒香

阿魏一分 醋化

右為末別研倉米末用阿魏醋煮米糊搜和丸如梧子大炒土朱為衣每服五十圓至百圓以老瘡飲下古方雖有驚甲煎等不特服不見效抑亦藥料難備

**妙應丹**治諸瘡無問寒温久近悉主之

黃丹三分 木香半兩碾為細末 青皮 陳皮

吳茱萸各半兩米醋二升熬青皮以下

右以黃丹木香為末入醋膏內搜和為丸梧子大辰砂為衣每服十圓當未發前一食頃白湯下再將前二件滓添木香半兩為末別研入黃丹三分

和勻以醋糊為圓如梧子大每服三五十圓瘡亦妙名曰捷丹

**紅散子**須當發日早晨服

黃丹炒色變

右入好建茶合和二錢七白湯調下或温酒調不入茶

**瘡丹**

雄黑豆四十九粒重午日井水浸次日取去皮拭乾研為膏 真砒一錢研細入豆膏內研勻

右五月五日午時圓如菘豆大控乾辰砂為衣密器封之發日空心井花水下二圓忌見雞犬若女

人病令男子開目送入口忌熱食一日孕婦不得  
服於發日以縫帛繫一圓於右臂上小兒不能吞  
隨男左女右繫之

又方

黃丹 不以多少

右五月五日用獨頭蒜煨熟研細搜圓如梧子大  
每服五圓常發前一食頃桃柳枝煎湯調下

塞耳丹

青黛 桂心 砒 巴豆 硫黃 等分

右並不去皮殼不修治為末以五月五日五家灰

粽角為圓棗核大綿裹定當發日塞耳男左女  
右忌葷腥

三因極一病證方論卷之六





